

A comedia “Frantasma”, mañá venres no Auditorio Municipal Lois Tobío

Escrito por VM

Venres, 25 Marzo 2011 00:42



Gondomar inicia o programa do fin de semana de celebración do Día Mundial do Teatro este venres coa obra "Frantasma" no auditorio Lois Tobío de Gondomar.

Un antigo casarío de estilo victoriano reproducido a gran formato é a nosa cámara dos horrores particular... unha espectacular escenografía onde as cadeiras se moven soas, as chimeneas ocultan escuros pasadizos e os cadros observan aos inquilinos da casa prognosticando terribles asasinatos. Esta é a proposta de “Frantasma”, a comedia da compañía Acontrabutaca que inaugura mañá venres a fin de semana de celebración do Día Mundial do Teatro, que terá lugar o domingo.

A obra está co-dirixida por David Ottone de Yllana, a compañía de referencia do humor estatal. Xosé Lueiro asina a dirección e os tres “frans” Fran Ameixeiras, Fran Campos e Fran Rei conforman o elenco. Trátase dun espectáculo cunha coidada escenografía e cun sinxelo e fresco humor que pretende abrir unha nova liña facer comedia en Galicia. Un asasinato, un detective e unha misteriosa casa que nos levarán ao final máis espectacular e divertido dos últimos anos, onde o público terá un papel fundamental. A función será ás 22.00 horas. O prezo da entrada é 3,5 euros e véndense desde unha hora antes na taquilla do Auditorio.

O sábado 26 será a quenda dunha das compañías máis aplaudidas en Gondomar, Fulano, Menga e Citano e “Viva a Crise” (22.00) , mentres que o domingo a compañía santiaguesa Talía porá en escena a versión teatral de “Valentino Rufini e Akil Pillabán de viaxe en Milán (e van sen un can)” (18.00), baseada no mesmo libro infantil de Roberto Salgueiro. O libro é unha lectura recomendada nos estudos de primaria.

A programación de teatro do Concello de Gondomar conta coa colaboración da Agadic, a Axencia Galega das Industrias Culturais da Xunta de Galicia.

A obra dará comezo ás 22h. e a entrada custa 3.5 euros.

A comedia “Frantasma”, mañá venres no Auditorio Municipal Lois Tobío

Escrito por VM

Venres, 25 Marzo 2011 00:42
